

Thème / Te tumu parau : Apprentissage d'un chant / Te ha'api'ira'a 'i te hō'ē hīmene tārava

Objectif de la séance / Te fā :

- Apprendre à chanter un « hīmene tārava »
- Te ha'api'ira'a 'i te hīmene 'i te hō'ē hīmene tārava

Supports / Te materia :

Les images de l'album « E pāpā tei hea 'oe »

Te mau hōho'a 'o te puta 'a'amu « E pāpā tei hea 'oe ? »

L'ordinateur / *Te matini roro uira*

L'écran / *Te paruai*

L'appareil vidéo projecteur / *Te matini pata hōho'a*

Les paroles de la chanson / *Te parauparau 'o te hīmene*

Enoncés spécifiques / Te mau ta'o / 'īrava 'e fa'a'ohipa hia :

- **Te mau ta'o i'oa ('utuafare)** :

- *te pāpā, te māmā, te pāpā'u, te māmā'u, te tēina, te tuahine, te tuāne, te 'aui, te tati, te (tonton), te hūno'a vahine, te hūno'a tāne, te mo'otua, te hina, te hinarere, te mo'o, te matahiapo,*

- **Te mau niu fa'atoro** :

- *tei ni'a, tei raro, tei mua, tei muri, tei te hiti, tei te ātea, tei te pae 'aui, tei te pae 'ataui, tei ropu, tei ni'a a'e, tei raro a'e, tei mua mai, tei mua atu, tei muri mai, tei muri atu,*

- **Te tahi mau ta'o ha'a** :

- *pōfa'i, hāmani, tanu, hopu, ta'oto, tāpuni, 'imi, tuō,*

- **Te 'irava 'e ha'apapu** :

- *Te + ta'o ha'a + ra + te ta'o 'utuafare + 'i te + te ta'o noa*

Hi'ora'a : Te hāmanira pāpā 'i te pere'o'o.

	Déroulement Prise de parole de l'Enseignant	Déroulement Prise de parole : Elève	Observations
Phase 1 Tuha'a 1 5 min L'accueil Te aroha ra'a	M : Iaorana 'O vai tō 'oe i'oa ? E aha tō 'oe huru ? M : E aha tēie mahana ? E... ua tano / Aita... ua hape 'oe. A parau fa'ahou nmai / A tāpiti Mauruuru maita'i	T : Ia ora na, ... 'orometua Te i'oa noa. 'O + prénom 'O + prénom + tō'u 'i'oa Maita'i, Maita'i roa (E) Mea maita'i roa vau... 'orometua Mahana maha 23 nō 'eperera matahiti 2009	Ia ora na Maita'i, Mea maita'i... Te i'oa pi'i 'e te pa'era'a 'o te tamari'i. <u>Te tāi'o mahana :</u> <i>te mahana, + te tai'o + te ava'e + te matahiti</i>
Phase 2 Tuha'a 2 20min Découverte de l'histoire de l'album Te 'ite ra'a 'i	<u>Fa'a'ohipa ra'a 1:</u> <u>Te fa'auera'a 1 :</u> E fa'aro'o mai 'outou 'i tēie nei, 'e fa'ati'a atu vau 'ia 'outou 'i te hō'ē 'a'amu. E patahia te mau hōho'a 'i ni'a 'i te paruai 'a fa'ati'a noa ai te 'orometua 'i te 'a'amu <u>Te uira'a :</u>	E hi'o, 'e fa'aro'o te mau tamari'i 'i te 'orometua ma te maniania 'ore	Ia vai te mau tamari'i 'i roto 'i te maniania 'ore nō te 'apo mai 'i te mau 'ohipa ato'a tā rātou 'e 'ite nei 'i ni'a 'i te paruai.

<p>te 'a'amu 'o te puta 'a'amu</p> <p>Acquisition des paroles du chant</p> <p>Te fa'atāmaura'a 'i te parauparau 'o te hīmene</p>	<p>- E aha tā 'outou 'e 'ite nei 'i ni'a 'i te paruai ?</p> <p>(‘e nā reira noa ‘i te rave ‘e tae atu ‘i te hope’a ‘o te mau hōho’a)</p> <p><u>Fa’a’ohipa ra’a 2:</u></p> <p>E fa’aho’i te mau hōho’a mai te ha’amatarā’a ma te ani atu ‘i te mau tamari’i ‘i te aura’a ‘o te ‘ohipa ‘e tupu ra ‘i ni’a ‘i te hōho’a.</p> <p><u>Te uira’a :</u></p> <ul style="list-style-type: none"> - <i>E aha tā 'outou 'e 'ite nei ?</i> - <i>Tei hea 'o pāpā ?</i> - <i>Te aha ra pāpā ?</i> <p>E ‘ua tano / Aita ‘ua hape (‘e hōro’a te ‘orometua ‘i te ‘īrava tano)</p> <p>E nā reira noa ‘e tae atu ‘i te hope’a ‘o te hōho’a.</p> <p>E fa’atāpiti noa ‘i te mau tamari’i ‘ia ti’a ‘ia rātou ‘ia tamau ‘a’au ‘i te mau ‘īrava ta’ato’a ‘o te fa’a’ohipa hia ‘i roto ‘i te hīmene.</p> <p><u>Fa’a’ohipa ra’a 3 :</u></p> <p>E hōro’a te ‘orometua ‘i te reo ‘o te hīmene ‘i ni’a ‘i nā ‘īrava matamua ‘o te ‘a’amu ‘e toru a’e taime.</p>	<p>Hōro’a ra’a mana’o nā te mau tamari’i ‘i ni’a ‘i te mau hōho’a tā rātou ‘i ‘ite mai.</p> <p><u>Te pahonora’a ‘a te tamari’i :</u></p> <ul style="list-style-type: none"> - <i>Tei ni’a pāpā ‘i te tumu ‘uru,</i> - <i>Tei roto pāpā ‘i te pere’o’o,</i> - <i>Tei roto pāpā ‘i te pa’i taro,</i> - <i>Te hopu ra pāpā ‘i te pape,</i> - <i>Te ta’oto ra pāpā.</i> <p>E pāhono mai te mau tamari’i ia au ‘i te fa’anahono ra’a ‘o te hō’ē ‘irava ‘ia au ‘i te fa’anahora’a ‘o tei hōro’a hia atu ‘e te ‘orometua</p> <p><i>Te + ta’o ha’a + ra + te ta’o ‘utuafare + ‘i te + te ta’o noa.</i></p> <p>E hāmani mai te mau tamari’i ‘i te mau ‘īrava ‘i ni’a ‘i te mau hōho’a ta’ato’a ‘o te ‘a’amu.</p>	<p>E vāiho noa ‘i te mau tamari’i ‘ia hōro’a mai ‘i tō rātou mau mana’o ‘i ni’a ‘i te mau hōho’a ‘o tā rātou ‘i ‘ite mai.</p> <p>Nā te ‘orometua ra ‘e hōro’a atu ‘i te ‘īrava tano ‘i te mau tamari’i ma te fa’atāpiti atu ‘ia rātou ‘i te parau.</p> <p>E fa’atāpiti noa ‘i te mau tamari’i ‘ia mau ‘a’au ‘ia rātou te mau ‘īrava ‘o te ‘a’amu.</p> <p>Hō’ē ā ravera’a ‘e te mau ‘īrava ‘e fa’a’ite ra ‘i te ‘ohipa tā pāpā ‘e rave ra.</p> <p><u>Te fa’anaho ra’a ‘o te ‘irava</u></p> <p><i>Te + ta’o ha’a + ra + te ta’o ‘utuafare + ‘i te + te ta’o noa.</i></p> <p>Nō te ha’apapu roa atu ‘i te fa’a’ohipara’a ‘o te ‘īrava, mea ti’a ‘ia fa’a’aparau fa’ahou ā ‘i te mau tamari’i ma te tau’i ‘i te ta’o ha’a, te ta’o ‘utuafare ‘e te ta’o noa ‘i roto ‘i te ‘īrava.</p> <p><u>Hi’ora’a :</u></p> <ul style="list-style-type: none"> - <i>Te hopu ra pāpā’u ‘i te miti.</i> <p>Ia ‘ore noa atu ‘e roa’a ‘i te mau tamari’i ‘i te hīmene ‘i</p>
--	---	---	--

<p>Mettre l'air de la chanson aux phrases de l'histoire</p> <p>Tā reo ra'a 'i te mau 'Īrava 'o te 'a'amu.</p>	<p>I muri mai, 'a fa'ahīmene atu ai 'i te mau tamari'i.</p> <p>Ia mau ana'e te mau 'Īrava matamua 'a rave mai ai 'i te mau 'Īrava toe.</p> <p>E fa'apārahi te 'orometua 'i te mau tamari'i 'i raro 'ia au 'i te peu mā'ohi.</p>	<p>E hīmene mai te mau tamari'i 'ia au 'i te arata'ira'a 'a te 'orometua.</p> <p>Ia mau maita'i ana'e te 'Īrava matamua 'i reira noa 'e fa'ahāere atu ai te hīmene 'i ni'a 'i te mau 'Īrava 'i muri mai.</p> <p>E pārahi te mau tamari'i 'i raro ma te ha'amenemene tā'afa 'ia rātou.</p>	<p>te nota 'o te hīmene, 'e ti'a ia 'ia fa'aha'amana'o hia te mau nota ato'a 'o te tahi hīmene 'oia ho'i te solfège 'i te reo farani.</p> <p><u>Mai tēie te huru :</u></p> <p><i>Do – Re – Mi – Fa – Sol – La – Si – Do</i></p> <p><i>Do – Si – La – Sol – Fa – Mi – Re – Do</i></p> <p>Ma te 'ore ra 'e fa'ahiti 'i te mau ta'o. E fa'ahiti noa ra 'i te <i>la – la – la – la – la – la – la</i></p>
<p>Phase 3</p> <p>Tuha'a 3</p> <p>5 min</p> <p>Chanter la chanson</p> <p>Te hīmenera'a</p>	<p>Ua oti ia tā tātou 'ohipa.</p> <p>Mauruuru maita'i ia 'outou.</p> <p>E aha tā 'outou 'i ha'api'i mai 'i tēie mahana ?</p> <p>E aha tei mau mai ia 'outou ?</p> <p>Ahiri nā.</p> <p>E fa'ahīmene 'i te ta'ato'ara'a 'o te hīmene tārava.</p> <p>E mea 'ohie / fifi ānei ? Nō te aha ?</p>	<p>Ua ha'api'i mai mātou ...</p> <p>E hīmene mai te mau tamari'i 'i ta'ato'ara'a 'o te hīmene</p> <p>E mea fifi / 'Ohie roa ? Nō te aha ?</p>	<p>Mauruuru maita'i 'e te mau tamari'i.</p> <p>A pārahi mai ra / A pārahi mai.</p> <p>Mauruuru 'e te 'orometua / Mauruuru maita'i 'e te 'orometua.</p> <p>Na na.</p> <p>Te tahi mau fa'ananeāra'a / <i>quelques variantes :</i></p> <ul style="list-style-type: none"> - Nā te hō'ē tamari'i arata'i hīmene 'e ha'amata 'i te hīmene 'e nā te ta'ato'ara'a 'e pahono mai. - E fa'ahīmene 'i te mau tamari'i 'i te mau 'auri rau 'o te hīmene ('e 8 'e 'aore ra 'e 9 'auri). - Nā te mau tamāroa 'e ha'amata 'a pāhono mai ai te mau tamāhine. - Te mau 'upa'upa (instruments de musique)